



Inombolo yefayili: 3/3/2/4/4  
Isalathiso: IMS 20221123-9251

ISetyhula: 0045/2022

Umhla wokuphelelwa: Awukho

Iya: KumaSekela Balawuli-Jikelele, kuBalawuli abaziiNtloko, kuBalawuli, kuBaphathi beeSekethe, kwiiNqununu nakooSihlalo bamabhunga olawulo ezikolo zikarhulumente nakwimibutho yeemanyano zabasebenzi eyaziwayo

Isishwankathelo esifutshane: *limeko zengqesho eziphuculweyo ukulungiselela abaqeshwa (Amanqanaba emivuzo 1 ukuya ku-12).*

**Subject: Ukuphuculwa kweemeko zengqesho kubaqeshwa abakumanqanaba emivuzo 1 ukuya ku-12 nakwabo bahlawulwa ngokwe-Occupation Specific Dispensations: Uhlanga-hlengiso lwemivuzo lweendleko zokuphila – 01 Apreli 2022**

1. ISebe leNkonzo kaRhulumente noLawulo lipapashe iSetyhula 50 ka-2022, yomhla we-26 Oktobha 2022, ecacisa ngokuphuculwa kweemeko zengqesho zabaqeshwa abakumanqanaba emivuzo 1 ukuya ku-12 kunye nabo bahlawulwa ngokwemiqathango ye-Occupation Specific Dispensations (OSDs).
2. Ngokwesetyhula ekhankanywe apha ngasentla, abaqeshwa abakumanqanaba emivuzo 1 – 12, baya kufumana ezi zibonelelo zingamaqithi-qithi zilandelayo.
  - 2.1 Kubo bonke abaqeshwa ababegqeshwe emva okanye ngomhla we-01 Apreli 2022, umqeshi uya kuqhubeka ukuhlawula isibonelelo semali saqho ngenyanga esingaxhuzulelwa ntlawulo yomhlalaphantsi (*monthly non-pensionable cash allowance*) kude kube ngowe-**31 Matshi 2023**.
  - 2.2 Kubo bonke abaqeshwa abakumanqanaba emivuzo 1 ukuya ku-12 abaqeshwe kwinkonzo karhulumente kwakunye nabo bahlawulwa ngokwemiqathango ye-OSDs, umqeshi uya kuhlawula i-3% yochatha onentlawulo yemali yomhlalaphantsi ukususela nge-01 Apreli 2022.

- 2.3 Umqeshi (isebe ngalinye) uya kwenza intlawulo zochatha kwimivuzo kubo bonke abaqeshwa abafanelekileyo abaqeshwe kwinkonzo karhulumente ngokumalunga nomjikelo wentsebenzo ka-2021/22 ngokwayo nayiphi na okanye yonke imiqathango ye-*Public Service Coordinating Bargaining Council* nezigqibo zamacandelo ezilawula iintlawulo zokunyuswa kwemivuzo kuqukwa ne-*Incentive Policy Framework*, ukususela ngomhla woku-1 kuJulayi 2022.
- 2.4 Abaqeshwa abanepakheji eyi-*Cost-to-Employer package* banozikulenga-hlengisa iipakheji zabo, ukuba banqwenela ukwenjenjalo.
3. Oku kuphuculwa kweemeko zengqesho kuphunyezwe yekhompuyutha kwisistim yePESALI.
4. Naziphi na iimpazamo (iintlawulo ezingaphezulu okanye ezingaphantsi) ezibangelwe kukuphunyezwa kohlenga-hlengiso lwemivuzo ngekompuyutha ziya kulungiswa.
5. Amanqanaba emivuzo (*salary scales*) aya kufumaneka kwiziko lewebhu leCandelo lamaLungelo aVela kwiNkonzo: <https://wcedonline.westerncape.gov.za/directorate-service-benefits>
6. Bayakhuthazwa abaphathi bamacandelo/iisuphavayiza ukuba baziqaphele yaye babe nolwazi ngezi zilungiso zingentla apha yaye bayacelwa nokuba bazise okubhalwe kule setyhula bonke abaqeshwa abaphantsi kolawulo lwabo ukuze bakuthathele ingqalelo

**ISAYINWE:** NGU-B WALTERS  
**INTLOKO YESEBE LEMFUNDO**  
**UMHLA:** 2022-11-29